

四庫全書

集部

欽定四庫全書

集部  
趙考古文集卷二

詳校官庶吉士

臣朱理

中書臣劉源溥覆勘

總校官庶吉士

臣何思鈞

校對官學正

臣湯垣

謄錄監生

臣姚秉哲

欽定四庫全書

趙考古文集卷二

明 趙撫謙 撰

巨腹子傳

巨腹子莫知其氏名其腹皤然而巨故以是稱於人人其性幽雅不喜與人競或慢謹之靡以為意甚則徐和以語為笑樂閱經書不喜字過或求其賦詩則曰爾為我筆之舉口而成求其親書則曰吾非傭書生好肆意

山水間遇清絕處便藉草石坐脫冠掛松樹枝解衣鼓  
腹長歌聲振林木間若泓龍夜吟嫋嫋有餘韻不嗜酒  
啗肉過三四簋或謂之曰復能進乎笑曰廉將軍八十  
尚食肉數斤飯一斗我壯年謂不廉將軍若耶復益數  
簋立盡嘗喟然曰天地間有真可樂人不知也其知而  
樂者惟我與無何公乎無何公者世莫知其人或曰卽  
巨腹子別號也或曰一人曾牧羊於石山中云

鄒道朋傳

太學生鄒道明字孟德會稽餘姚人也有遠志聰達機  
變眉目穎異唇如赭丹少以民間特秀補縣學生卽知  
研經博觀為事奮然自樹立痛刮磨琢勵每願進就常  
若不逮日謝等夷閉戶誦習尤精尚書學夜則俟同舍  
生已睡復出戶溫諷日所業篇徐步兩廡一匝卽畢以  
為常雖雪寒雨暑不少輟入戶就榻復踞側抒思項之  
然後寐雞晨悵然嘆曰鄒道明汝當為天下奇丈夫安  
可悠悠作餘姚人物也乃起后以業優升於大學大學

官咸器重之而目畏于等輩遇朝廷選任卽欲出試器  
之者欲其大就不許其名進固請弗獲同舍生勉之忽  
垂淚曰我豈昧于知者術者謂我來年某曜迫某曜恐  
不久于世幸出一施所學見于行事脫有少利於人庶  
以少白於世且以為父母慰假如術者云我固知命父  
母之悲為何如雖不免俱為父母累與其默默而泯不  
猶愈于得一暴其志乎如期果物故舉大學悼惜焉時  
年二十二

鴈山外史曰鄒道朋其亦苦學聖人之道而欲行世者  
抑不得伸其命也夫孔子曰秀而不實者有矣夫豈不  
然哉觀其與同舍生言悲夫

### 銀塘生傳

余罷官自中都歸餘姚滅跡不入市郭時出游澤數間  
及徃隣邑界上山谷中據木坐石之際輒有好事者卽  
我盤旋數道比有銀塘生者事甚罕異聞其人狀以為  
神仙流不能形容常乘牛出入四明洞天遇風景林壑

之美卽箕坐長笑興不可遏則科跣狂歌紙形墨貌草樹水石之變狀復題詩于上墨光動盪極其神化旣而張衣枝上歌一二過聲若龍吟嚮震林谷求之卽與但不與凡俗子或問其姓氏則啞笑不答因其書銀塘生字于上遂以稱之故好事者往往懷豪楮候之稍求得焉有載酒張具而堅請之則生弗顧是以得其片紙一言者皆襲護藏去余初聞而疑焉及叩所嘗得者而觀之乃吾友楊君宗彞筆迹宜其罕異而見重於時也噫



此特吾宗彛不為時用而依隱玩世之疏節耳使其得  
上大行為下廣施則又非恒人所知而今人所及也憶  
嘗與遊宿山中浮屠道論古今豪傑以為三季後屠販  
臧獲反有可取尚此則乘機突發者張子房為最逢時  
不造而能盡誠者孔明其尤惟世變而善其分者陶淵  
明其極郭汾陽不平致平功也邵康節泊然於世道也  
程伯子不能丕變命也此吾與數君子有快有惜有不  
平感激于心餘人所蹈皆常事耳余藉此言深有所發

晚來坐松根石上山多松鼠躍走杉樹葉底兔露電滅  
生擲礫斃一墮地余意其偶然戲謂復能爾否卽復斃  
一鼠又嘗與飲舞置卮酒于掌上婆娑移時無少溢其  
伎藝之精小大皆類此其詩清新俊麗雋永人口造與  
陟突必名後世余性不喜時彥詩一日讀宗彞寄我數  
篇于萬書閣上撫几朗謳反覆不能罷已而覺手慄及  
視皆赤

盧節婦傳

餘姚盧家有節婦湯氏名展娥夫曰仲良先是仲良娶陳氏生子祥甫三歲而陳死仲良自念羈世故上不得盡孝敬于親下無所托其遺幼乃再娶湯氏湯年十九事舅姑盡婦道奉其夫盡妻道保遺幼盡母道入盧門四年而仲良亦死臨死時與湯訣曰吾向娶汝本期養親托幼今我復是不幸非但幼無所托而且遺親之悲又重以累汝因嗚咽不能言湯未及答而仲良息絕湯卽收涕跪牀前地矢曰我此身雖父母遺體今旣不幸

能不辱於義豈不有光於父母我終當奉君之親長君之孤一為君婦遂嚙左手中指出血漉口中復一滴仲良口以為信乃踴哭仆絕頃而蘇見者慘焉及葬術家卜兆曰此為中勿易湯少偏之曰且留一穴隙待我人以為守節之志決矣三年有隣嫗來為媒者節婦羈然曰君為媒耶俟我入所留一穴然後言自是無敢復言者今年六十矣而未嘗為容鄉之父老欲上其事節婦聞之曰是吾分事奚以旌表焉人以此益賢之邑子趙

古則曰能致身於君謂之忠竭力於親謂之孝兄慈弟悌謂之和夫死不再嫁謂之節義此人之所以為人而異於禽獸者也然丈夫男子尚弗能知焉而行况一婦人而所行若冰雪之濯濯噫湯其賢矣乎

厲延傳

趙先生曰夫孝為百行之首故歷代史籍有孝友傳獨行傳以其誠有關於風教也夫家有恒產足營衣食而能盡溫清定省雖不多得然亦子職之常猶未足美乃

若貧窮窘難素不學書而能盡於孝道者豈非天性然哉使之沒齒無聞是可悲惜也余故于厲廷有所深惜云厲廷者越之餘姚人也幼喪父保養稚弟與母氏居卒與其弟成孝友人家本田野細氓貧無為業乃學為筐具賣以供母日得粟或數十錢歸而陳母膝下問母志所欲而敬具焉故廷兄弟食或不給而母極其滋味寒夜溫被使和俟母卧斂乃聚燈下夜作刺刺然剉竹木植恒私相儆誨或曰邑里之某富室也兄弟日相讐

敵而親恒憾憾誠非人類也季或曰巷南北之某望族也日酌飫而夫妻屢相殘虐而親輒顛泣禽犢弗若也故延之兄弟夫婦或無過咎焉吁使延兄弟目知書而進於道其所就當何如哉觀其私相儆戒之詞今之富足而憂及其親者亦獨何哉日醉醇飽雋而心為形役者於風教何哉

尋常百姓傳

夫學者既貫習六經猶當考信博覽於傳記稗家如古

之卡隨務光黔婁邵平之流不於傳記襍家見乎鵑山  
外史曰余讀上虞志而未嘗不歎其自古多身隱名顯  
之士及遊金壘山水間覽古訪今而又歎韜匿光德者  
尚或有古昔之流風焉若尋常百姓者其亦王充葛伯  
陽之徒輩歟孔子曰君子恥沒世而名不稱焉余竊志  
之其傳曰尋常百姓者越上虞之隱德士也姓施名謙  
字益謙其祖父皆仕於元謙獨棄去不欲乃放志羣籍  
而尤精于天文地理老子之學暇則能力田園不事華



麗衣止麻糲食飲止充渴飢務欲出已力不一介取于  
人也好蓄古文法書名畫彝器日對列一室牖外置菖  
蒲卉竹數盆朗歌于中乘興畫梅張于壁得奇句卽書  
于其上人索之命就取去不較與人辨析古今務欲窮  
詰致極旣則詼諧調笑放春秋法日紀雨暘時事及已  
所為于籍命曰註夢歷嘗竹杖布衣簞笠木屐行道上  
或睨之私語人曰彼氣貌類有道者其所願一尋常百  
姓也諫聞之曰善夫命我名浮于實君子所恥實浮于

金匱要略卷二  
名乃余之志余雖名實俱涼願為尋常百姓耳因亦自  
號為尋常百姓云

中山三君子傳

松先生名木字良材中山人也其先佐太皞包羲氏烹  
飪有功封東方青地先生襲蔭遂世中山伯氏為園亭  
蒼官亦有名木生而剛操及壯身千餘尺壽至數千百  
歲雖老亦壯不畏寒暑常奮髯特立臨風長嘯莫窺其  
際有大器咸知其可廟堂任然被毀棄亦弗為愠其後

子孫散處累受刁民之難幾滅復盛族類蕃庶徧于喬  
山大谷或晦或顯莫載其詳在青州者當夏禹時入貢  
始著及秦始皇登泰山遇雨因幸其宅封為大夫以秦  
無道恥受其爵不應遂遯去學神仙之術嗜茯苓琥珀  
旣而能乘青牛坐伏龜凌雲霄有道之士多徃依焉或  
曰張良嘗受學焉時人尊之稱為十八公陶潛李白崔  
斯立諸名卿咸敬尊之然不若同郡竹虛中梅元實為  
尤善故世稱三友以德行稱亦謂之三君子後有陳履

初者會稽餘姚人也慕其德求善畫者圖三人像藏于家云

竹虛中名節與同郡松良材梅元實齊名當黃帝時與伶倫定音律初封嶰谷徙封中山遂為中山人性清勁寡言笑秉心正直好扶人患難愛養鸞鳳以故王子猷將詗阮籍孔巢父諸有名士咸與內交其子孫甚衆最名世者在震方稱蒼筤在揚州稱篠簜在荊州稱篴簫在漢川稱篴簫以德稱於衛以富稱於渭川以術稱於

葛陂以善笛稱於柯亭以神明稱於湘水皆有傳語見諸史別錄又有稚子者最後出善醫曾愈孟宗母病孫曰龍孫名過其祖學浮屠氏一人曰玉版師尤見知于蘇軾云

梅元實名華嘗魁進士第人因號稱伯華魁祖覲字仁中父甲字子牙皆不官華入贅宋武帝女壽陽公主於含章檐下善為主粧世因傳梅華粧子多至無萬數女十一人長適羅浮令趙師雄嗜酒早亡其十人配名南

地底士君貌如玉肌骨癯潔性度恬靜每於霜晨月夜  
舒香靜坐意趣洒然何遜皮日休林君復極重愛之咸  
作詩賦以讚歌累代名士作歌以千計初殷時與傳說  
入見高宗高宗既立說為相授元實太宰命之曰來汝  
實若作和羹調味甚適世傳梅羹其遺法也及魏武帝  
出師令開水道有功食邑上林苑後衰腐不事事帝怒  
醢之以賜朝臣皆顰眉不忍食後帝悔優其家今子孫  
復盛

史氏曰甚矣哉德之不可不種也觀中山三君子松氏以剛操稱竹氏以正直顯梅氏以恬靜名皆能不與物競以庇蔭于人嗚呼自太皞黃帝歷數千百年其子孫逮今蕃衍譽聞世世見重于大夫豈非至德而然甚矣哉德之不可不種耶

跋瓊花燈卷

余讀史記漢書竊憾夫馬遷班固不為孝子列傳而反列夫貨殖者今貨殖傳自范蠡而下既極矜其治產積

居矣至若掘冢博戲行賈販脂賣漿洒削胃脯馬醫之  
至不足齒者而亦附焉俾當時人子之能孝行而大有  
關於世教者反不得如貨殖之徒流名於萬世而譏士  
之長貧賤好語仁義為足羞是誠何哉吾邑有孝子倪  
昌年者家甚貧以母病故作瓊花燈以祈神貺事甚可  
嘉也夫瓊花燈雖玩戲者之所為然其孝心無所不至  
志誠則有在也以昌年視今世用好事惡業而成富者  
寧不為之三太息哉當路之太史氏能刊落貨殖而作



孝子傳否耶又能以昌年附孝子傳否觀其卷而重有所感焉

跋雙節傳

余讀奉天竇氏二女傳竊歎其以孱然二女子能義勇抱節有如是者及讀陳莆田雙孀詩而益嘆其姑婦同節者又如是也今朝京師會四明李君公復出示其祖母母夫人雙節傳尤異其在家為姑姪歸人為姑婦俱遭不幸能雙全其節乃如是也自劉向作列女傳諸史

有傳婦人守節者雖間有之而未有如雙節者吾知其有光竹帛與竇氏傳雙孀詩並傳斯無愧矣遂書此以識

跋劉梧州墓銘卷

昔人謂不識其父視其子余與劉恩昱伯仲交因想見梧州君之為人其風度藹然於心目間奚俟面覩而後知哉及讀江陰孫先生所著墓銘斯知余心之不誣然有所感者以君之才行乃遭飛語蓄憤以終山岳之謀

幾微所忽蜂蠆之毒君子殆不免乎

跋竇節婦傳

余讀古忠臣孝子節婦傳未嘗不掩卷而三嘆曰嗟乎其  
人雖歿其英風凜節皎皎然若表日月而並行固不待  
史之記與否也然史不可不記者非為忠臣孝子義夫節  
婦也為天下後世訓也使天下後世聞其風則思見其人  
庶幾有能卓然自立者今讀吳母竇氏事豈非聞風而自  
立者歟不然何其志行藹然與古之人並光

輝歟嗚呼聞而知之孰若親而炙之為愈母聞古人之  
迹者固能自立如此則繼今其親炙母之風者當何如  
哉吾以是知蕭山節婦固不止一吳母矣異時史稱曰  
蕭山多節婦自吳母始顧不偉歟

跋樂仲本銘孝義男墓

垂棘之璧荆山之玉至寶也納之韞櫝猶為人之常情  
及其毀棄而混於沙礫糞壤之中莫不驚異而嘆惜之  
今觀樂仲本先生銘其子杅之墓哀其孝義而罹不年

嗚呼痛哉夫父子之道天性雖常流而天為人親者且傷悼之況乎才德兼備如枻而能與弟爭死于橫逆之場者歟噫常人聞之尚為流涕宜乎樂先生哀嘆痛惜而銘之也

跋孝節編

夫死不再嫁謂之節善事父母謂之孝惟此之行且不多得若子為其親而懼多難婦因其夫而赴水火有之益鮮矣而況子代父死于兵刃之下若徐允讓者而為

之夫婦能設計焚夫于倉猝被執之際投烈燄之中如  
潘妙圓者而為之妻如此者吾知前乎百千年之已往  
後乎百千年之未來罄四海之濱盡人倫之變惟二人  
而止耳脫或有之其或聞潘徐之風而踐迹者歟節孝  
之編其有補於世教也豈淺淺哉

書徐知遠分題送行詩卷後

洪武己未秋九月既望萬寧知縣徐君將往蒞政友生  
趙謙出餞於秦淮許藉草坐而不忍別欲作一詩道其

意而又弗克就因觀鄉先生劉中山諸公分題詩文其忠君愛國之情故舊離別之思祝頌勉勵之意謙所欲言者皆已言之謙復何言姑識別時歲月於此

書王修德雜文後

余出交士大夫其最于德甚于文者奚啻百十然或有其文而德有所慚者有其德而文或不足者磨礱漸漬之道率難兼之用是未嘗不戚戚于心也今年始得天台王君修德相與往還甚密其質溫粹幽雅對之如玉

愈久而愈令人敬愛觀其文若饑而噉載累累于口不忍舍是以媿鄉之知人者淺矣及其北上以雜言是非辨諸書見貽且曰以志後會之思蓋其德之所蘊而形于外者耶孔子曰有德者必有言信乎其有德者且有言也故志其後以表余傾鄉之心

書童蒙習句後

好古而不諧今則窒而不通博文而不約禮則汗漫而寡要故君子貴乎酌古以準今守約以施博也凡古之



道舉皆廢墜惟書得行自夫隸草擅場六義由晦而書之廢亦甚余不佞研精覃思竊成六書本義聲音文字通二書又慮童幼之士汗漫不得其要復習子母偏旁凡千二百字鍊之成四言句庶乎守約而施博也以四體書之庶乎酌古以準今也於是篆本之六義分隸之苟易草書之狂悖一自可領其要矣然分隸有門無門有聲無乚之類草之有處無處有業無業之類又不如分隸抑亦可以觀世變也雖然若天卿亮愛之體近古

秦泰奉春之首異隸則草亦有可取者焉

書續武王銘後

蓋嘗稽古聖賢未嘗不兢兢業業以致戒也是以黃帝有巾几之法孔甲造盤盂之戒禹勒荀簋湯銘盤盂逮乎周之武王既踐祚猶咨尚父而為戒書至于席几杖器無不有銘惜其散在諸書不能彙而為一乃竊裒而集之三十有四篇自席銘至矛銘十有四篇著在載禮自筆至井十有五篇出于太平御覽衣鏡觴三銘則得

於後漢朱穆傳又得几杖二銘於崔駰傳三復其旨若  
行洞庭之野而聞簫韶之音三日不食而得雋永之味  
因喟然而嘆曰嗚呼以往古之聖猶儆戒若是之至況  
後世眇末小子敢不惕然以求諸心哉於是以古篆隨  
物而書之矣復書一通揭於坐右間有銘夫所用器物  
之未有銘者其篇如武王銘之數而加其十有九焉非  
敢承諸作者庶幾常目在之以自儆云爾

故處士方君墓誌銘

餘姚四明山中有處士方君諱松字延齡者孝於親友  
於弟而明達於事理鄉之人藉以為安者也洪武十年  
三月某日卒享年五十有六娶陳氏生二子曰模楷模  
先君十餘日卒君之卒為過傷也楷出繼君母弟繼室  
朱氏生一子曰樞孫一人曰孟始君延余於家塾訓其  
二子曰楷樞者君父愛山翁得疾余日往視見君立床  
側顏悴心忤百計請高手醫醫進藥食立晝夜無少懈  
意及居喪哀禮兼至行人所不能者縉紳談其事不容

口或有以難告率身先之伯仲間愉愉如也年不及下  
壽而卒殃慶弗以類吾不知其何說也嗚呼吾年未三  
十旣哭送其祖孫喪柩矣又弔祭君靈而哭之其可憾  
也夫其可哀也夫樞將以十三年某月某日塋于鳳亭  
鄉丁山之麓致狀來請余志其墓遂序歲月日并寓余  
所感銘曰允也方君鄉稱行賢不躬其報壽以不延壽  
雖不延其孫子也綿綿

雲屋先生顧公墓誌銘

大明洪武十有五年九月初六日雲屋先生卒於鄆之  
定海崇邱鄉其伾馮安來訃古則與吳剛陳鑄哭于陳  
慎家且召方暹會哭明日鄭相張經駱誠來余于陳氏  
又哭十二日古則率慎暹走鄆致奠賻旣而其孤觀衰  
經拜泣以墓誌為請義有弗可得辭遂求譜牒及所藏  
書于其家得誥命三通以知其曾祖祖考之所自得玉  
山名勝集十卷春夜樂唱咏一軸以知其家世貴盛之  
由得交誼卷二軸以感其好賢尚義之篤得遊剡贈言

靜得齋鶴夢軒詩文各一軸以感其雅性逸情之實皆  
名卿韻士仙翁佛子一時之選者凡三百餘人其不在  
軸帙而散積于几格間者不與噫何好奇博學樂道人  
善之如是哉夫處富貴而不驕不淫居貧賤而不瀆不  
辱非知道孰能若此是宜銘遂序而銘之先生姓顧氏  
名園字仲園雲屋其別號也其先吳縣崑山望族曾祖  
諱文儒贈某總管祖諱文顯武備總將軍上海等處海  
道運糧千戶贈萬戶侯考諱某妣盛氏贈大興縣君先

生生而聰達勇銳有遠志不羈讀書一過卽記不忘然  
好武不顯于學年十六北游燕都出入王侯將相門晝  
則相與馳馬擊劍射博取勝夜則邸舍兀坐一室開百  
氏諸史觀法書名畫有得然後已凡三往返乃得朝命  
襲父爵為千戶侯所歷有績未幾遭時弗寧南北隔阻  
因卜居定海蓋樂其山川之勝也遂杜門謝世事痛刮  
去舊習絕嗜欲刻志文藝卒以善畫名於世不喜作詩  
然時出一聯半篇輒清竒駭人其畫尤為世所貴尚識



者以為不減虎頭筆法改物以來恣遊鄞越山水間不  
妄交接嘗有權貴人欲一見之時夜將半遽踰垣走避  
好調急而未嘗取受毫末于人性剛直或折人過失而  
人服之卒時年六十二先娶姑蘇應氏再娶杭之陸氏  
一子觀陸出也觀將以某月日葬墓地未兆謀買山於  
崇邱鄉顧畧之原謀既協而貲未辦馮安將謀諸與先  
生交游者古則曰可俾成之銘曰少而勇勇于武壯而  
仕時乃阻克奮于學師厥古德施不昌以昌其畫

楓林讀書處銘

上虞項宗周父稱其教子習業之室曰楓林讀書處以  
徵餘姚趙古則銘而警之遂銘而警之曰大道無形理  
載方策幽而神明顯而家國昧者蚩蚩知者烜赫於美  
貞士是究是緝誠能緝熙中心有得毋自半塗墮是懿  
德終始乾乾期造聖域

竹說贈胡復初王自強

余客居陳氏竹西軒有朋之賢者胡復初王自強是然

嘉會謂余曰吾屬明有所適將托迹于寂寞之濱以專  
致乎詩書冀求吾志恐不克與吾子數繼見以麗澤為  
事必求吾子文上以為進德鑑而下以慰予思余指軒  
前竹而告之曰若知夫竹乎夫竹挺而直若乎有其德  
虛其中似乎有所容勁而節類夫有所守者哉夫竹不  
直則不能藉夫柔脆而凌霄漢其中不虛則不能以涵  
造化之靈不勁而節則不能貞于歲寒歷夫冰雪也夫  
君子之道惟其直故不撓于物惟其中之虛故懿厥德

而猶若不足惟其節故介然而不妄不撓則能自強有  
為不足則能進修未艾不妄則能見幾而作是以窮居  
則道益亨達行而功則倍也二子欣然曰是足為進德  
鑑而慰予思矣請書之遂書兩通而各貽焉

三戒

昔柳子厚作麋驢鼠三戒蘇子瞻愛其辭復以河豚以  
下三者擬之其風戒之意切矣近有觸予懷者頗類乎  
是故亦作三篇

灘之龜

余舍濱溪溪上石晶晶然延袤數十畝間新霽有龜出  
暴于石牧兒適有見者蹶步執之號於衆曰吾得龜矣  
從衆往趨觀之謔玩百狀有欲視其首者龜堅縮不出  
戲祝曰龜乎龜乎能出首以示予乎頃復不出乃相謀  
以幾棘搵之搵其尾則首出搵其首則尾出兒乃大笑  
曰以善道求汝則首不一出以惡法侮汝則首尾俱出  
尚為知所從耶吾聞汝能先吉凶以告人而不能先吉

凶以免已尚為智者耶羣兒皆揶揄大笑余聞之亦含笑而歸

穿山甲

甲蟲有穿山其名者蓋善穴山而出故名性嗜蟻於羣聚處輒開甲佯死於地蟻入甲罅咂咂然如得瀆物俟其至衆則固歛其甲入水張甲浮塏水上徐以口吸之日食皆然一日遇人於山谷間人以沙礫擲之則卷然作束如石狀以給人人見其給也因持以歸齧其肉而

食之甚旨以其甲能已風疾復貨于藥肆吁穿山謀食  
之計亦巧矣何其巧於取蟻而拙于避人也哉卒至肉  
鬻甲拆之患悲夫

水之鷗

鷗一名翡翠體雖小其毛羽青瑩輝彩可玩常循飛水  
厓入水底取魚蝦水族食之巧者利其羽毛以一圓飛  
舞水上媒而執之取其羽市於富貴家為女子飾直視  
金玉家因致富夫負毛羽之美而不能遁幽藏僻乃棚

然終日競誘於人至于斷斷取而終不悟哀哉雖然世以羽毛夸於人者豈獨一鵲歟

雜言十四篇

趙子澤遊愛澤水甚靜清而被羣兒戲者以泥搯之失其真吁人欲靜清而被搯失其真者多矣奚止水哉

里姬有拘忌者見鵲集鳴則手加額而喜且祈頃有楚鳥來鳴則怒罵而唾逐之予見其皆鳥也而其好嫉異甚因問之姬曰人言鵲能報吉鴉能送凶噫世以人言



而好惡者多矣。姬之易惑，固其常。予獨為楚鳥加不平焉。

趙子暮歸，見醉夫蒙泥而卧道上，額殘破，血流痕至踵。水污糞穢之染，弗庸言。且其歟？正酣嗚呼酒之設，本以養人而苦人，若是豈不可哀也哉！

趙子曰：「君子未嘗自以為君子，故其行也日益；君子小人亦未嘗自以為小人，故其行也日益。小人小人之惡，君子亦猶君子之惡小人也。欲學君子者，其察之。」

趙子曰貧困之切身非不可憂也而君子不憂者知有命也

趙子亦常醉酒而發狂然自不足以爲過者蓋暫有以迫人而非其所安也

有瞽夫過市而失足於溝塗汙及其膝者舉市人皆笑之趙子適見而嘆曰世之完目而失身於刑戮者仁者或致憫焉瞽而汚足又何笑焉

西嶼有人夜見林莽中光者以爲寶瑞惟恐人共而獨

往拾之遇毒螫其手毒肆而喪其身終不悟哀哉

鳳治世之瑞禽也言其出則天下平雖庸鄙人皆知信之有致得生鵬者歸而給未嘗識者以為鳳雖聰慧者信之況於矇瞽者哉矇瞽者聞而往索而按之鳳乎鳳乎逢人則喜譽之而不去口識者笑焉嗚呼世之以耳為目者比比而況於給瞽者以鳳也哉

巨魚有乘潦水而野者水收而拘于洫則不能旋其身而見制于鯢鮪受侮于龜螻趙子曰巨魚非不能口鯢

鮎而吞龜蠚失勢故也

有以蜜果饋西隣者隣婦切分啖兒兒甘之索不復得也  
刀有餘蜜口其刀刀傷其舌毒而致死趙子曰兒無知  
甘其蜜而刃口亦其宜為父母而不曉戒之何也今人  
有甘小利而父母妻妾不能曉戒卒至于傷體殞命者  
悲夫

多慮而叢于心者夢亦怪險寡慮而靜者夢亦不作縱  
作之正夷有序步咫尺之賸而不懼者實故也是以行

欲其實而心欲其虛也

驂騑驥馬之良者也命之捕鼠則不若跛足之猫矣  
故曰才各有能有不能

水火生民之大用也而人不以為寶者以其隨所有而  
隨可取故也金璧寒不可衣饑不可食而人以為至寶  
者以其產于遠而少于世故也是以智者務實去華愚  
者貴遠而賤近

談棋送吳仲庚先生歸

棋之設不知權輿於誰何或曰軒轅氏以教兵法或曰  
陶唐氏以教丹朱言其數最為無益且縻廢人日月動  
搖人心志而一勝一負欣愧不無竟何為哉然自春秋  
已來傳記所載代有其人而孔子亦謂飽食終日不有  
博奕為之猶賢則其數之所以來尚矣有不可遽絕者  
一局之路三百六十一象生數之主三百六十以象  
周天之數分而為四以象四時隅各九十路以象其日  
外周七十二路以象其候白黑相半以象陰陽局方而

靜以象地子圓而動以象天奕無同局以象變化以是  
言之則又若寓道者焉余少志聖人之道而不遑他技  
于奕尤加疾焉年來因伏林谷置身荒茆篁竹之間挾  
冊而讀久則枯疲行覓一二能奕者與之數投旋覺晷  
度之移塵俗之遠也於是凡有怫悞於心憂愁窮苦激  
觸恚怒牢落不平一寓於碁則仆然以已其至於一勝  
一負欣愧之際則不論也淮南吳公仲庚志宇遠廓識  
斷通豁所謂器宏而趣逸者乃能含章遵晦俯効圭撮

之任而屈於尋常之地世之勝負一置不論有似於余之奕碁故于其任滿將行姑與之談碁水陸千餘里苟有不平于心倘遇能其數者與之一投亦可以少遣哉若夫祝頌之詞期望之意羣公陳矣余故不談羣公之詩以餘姚名山川分題各賦五韻古律而余得歷山衛宏曰情動于中而形于言言之不足故嗟嘆之嗟嘆之不足故咏歌之誠有旨哉

題芸香室卷



舉團黍荆璞以與嬰孺必取團黍命商彛鐵鎗以假村  
姬必鄙商彛此獨立特行之君子所以每見發於庸人  
俗隸也友人張君與權好植芸香草因以名室蓋以芸  
之能辟蛀書蟲也時之好花卉而玩浮華者未必不若  
嬰孺村姬之遺荆璞商彛也故閱其卷而益有所感噫  
題朝暉軒

暉之出兮扶桑赫現燬兮晨明上團團兮煦春陽胡獨  
照兮高堂亦有軒兮承宇軒中之人兮燕且樂胥羞鼎

臍酌桂醕華余服兮續且舞穆黃道兮昭熙睇化景兮  
舒遲升余軒兮愛此朝暉余親之慶兮壽且無期

與友駱則誠別

玉山玉泉惟咫尺不得與君時往還風吹飛絮掛簾白  
燕感落花鋪地斑一身纍纍喪家狗半生碌碌牢籠鵬  
便當相見醉一斗狂歌擘碎青琅玕

賡駱則誠母壽詩韻

護草霏霏近北堂炎天花老葉蒼蒼常年迭奏南山句

此日空歌陟屺章  
浙水西流隄樹晚  
舜江東望海雲涼  
由來孝弟蒙天祐  
還得聯芳介壽觴

與駱老夫人壽詩

寘彼蓼莪詠  
聽此南山詩  
具慶豈非願  
修短固難期  
怙終御存恤  
所恃良在斯  
正位閑有家  
承顏致有頤  
矧當老闕歲  
更值嶽降時  
張筵羅珍饌  
對酒彈鳴絲  
齊謳間趙舞  
伯壘和仲篴  
鄉曲介眉壽  
親賓獻蘭卮  
庭除萬花布  
簾幕雙燕飛  
梧葉清闌暑  
芙蓉動涼颼  
久歎南陔廢

復覩白華滋積善念經昔餘慶徵在茲錫類豈徒美第  
祿誠未涯

錄示子孫

冬晨寒氣交夏午炎光逼殷勤寫書者窮年無暫息既  
終還自校叙次更裝飾家貧自然乏神勞豈非瘠所樂  
在經書雖久終無斃子孫苟能嗣勗哉當為惜

詠懷次倪安道十首韻

禦寇心尚孩淮南口猶乳射日誠幻談鍊石胡可補陽

精異飛禽元天非破釜立言理苟迷無乃默為愈所以  
古皇羲窺圖萬微抒云何夸毗子葩藻失倫序

我昔志飛騰登天欲乘龍著鞭始云邁忽值烟塵重既  
不能元感寢修莫與同喟焉念旋反還棲荆棘叢雖曰  
昧初志庶得收奇功

歎彼牛山木還能秀森森斧斤互來伐何年鬱成陰萌  
蘖豈不息又被牛羊侵所以鄒魯生怡然坐叢林

元化浩無端人生八紘間靈臺妙不測神聖何假言太

極諒斯存一貫誠非難興言理絕絃獨抱瑤琴彈

荒哉周穆王八駿窮萬里朝發崑崙顛夕飲瑤池水空  
歌白雲謠千載汚人耳三復祈招詞感歎不能已

伊昔紛榮耀奚啻天桃花今作春市徒寒風起悲嗟去  
去林君子行行野人家瑤臺豈非貴不久

闕

三聖旣云逝大道如積波緣業乘時論雲構填邱阿羣  
愚久盲聾沈痼夫如何孰能火其書感激曳杖歌

偉哉昌黎公壯志青雲上抵排西方化原道激頽浪念

彼葩藻徒畀畀渺難望但惜大廈傾一木將何向奮懷  
千載下臨風為惆悵

雲間學仙侶期成粉提丸偃月蟠龍虎交構為神丹服  
食能輕舉豈惟髮不斑長生誠可求逆理心非安去去  
順元化修短合自然

蜩蟬本無患悠然亭柯上飲露吟清風飛禽忽來徃扶  
蘇在邊垂趙李起奸想世無少康關千載為怏怏

題白沙翠竹

沙汀沙白白如銀竹村竹翠翠如雲  
鵲鵲拂羽春暉動  
鸞鸞來儀月夜聞中有人居杜工部  
豈無字擬王右軍  
角中來往共談笑便是浣花溪上隣

山居四詠依汪復初先生韻

松菊徑

不同彭澤賦歸來松樹菊叢先  
自我門巷杳然車馬隔  
落英無數點蒼苔

芋栗園



人間八月稻梁秋爭似山中芋栗收也可盍簪供笑語  
免教輸稅見王侯

桑柘林

吳蠶眠起正紛紜桑柘斜曛十畝雲白眼看他閑草木  
只將紅紫媚東君

芝蘭室

奕奕猗猗寵色新蕭然一色四時春漢廷御史雲仍在  
如此清芬可比倫

送胡信中復入太學詩

精金藉陶冶庶幾成鼎鉉良玉賴琢磨自然成瑚璉人  
生苟不學百歲胡能善彼美定安辭劬書尤黽勉挾策  
試神京酬酢如九轉蘊真能若是果與瀛洲選一歸觀  
庭闈復去朝藻覓送別蕙江頭姓氏響幽巖

遺言

近世口傳未敢輕信今取有據者錄之惟第八  
條門人張璠所述餘皆在行狀

三四十年嘗自奮曰使我與鳥獸草木同腐何以學為  
嘗讀武王戒書歎曰以往古之聖猶警戒若是之至況  
後世渺末小子敢不惕然以求諸心哉

聖門之學以立志為先以主敬為本

此二言者所以立志而主敬也

每自慨念曰夫士之為學必先窮理窮理必本夫讀書  
讀書非識字義之所載所該則于上達乎何有此古聖  
賢設教所以貴于博文也

此本義所由作而六書賴以明也

為典簿時與僚官論事不合罷歸謂宋廷臣曰予之不幸蓋墮于儉人之計爾然亦何足以動予之方寸哉且前哲之出處塞于此者通于彼屈于今者伸于後予之屈塞必有伸通者焉

此蓋進不得行道于當時退欲明道于來世

嘗兀坐山中仰而思之俯而嘆曰六經諸子史籍圖記皆以詳悉歷代有人矣惟音韻之學世久不明音韻關

于國家同文之教不可不明

此聲音文字通所以作也

嘗纂考古臺著聲音文字通其言曰夫平上去入謂之聲四聲必貫沈氏平東上董去送入屋之類則非矣角徵宮商羽謂之音七音有序沈氏前東後公冬東異處之類則非矣依類象形隨體詰詘而畫其跡者獨體謂之文合體謂之字六義相資自夫程邈造隸王次仲制分趨省易而文字破壞則代益非矣

此書積二十年然後成凡一百卷王仲迪以為痛掃前人之譌謬一洗千載之陋習西村顧先生亦謂其功不在孟氏闢異端之下至永樂初年太宗文皇帝詔藏秘閣以為國家考文之重典由是天下皆知其學則前所謂屈塞必有伸通之語有足証矣

嘗謂人曰吾于聲音文字通一家之學有精義入神之妙雖伶倫復生倉頡復作不易斯舉矣又曰吾于聲音文字通一家之學蓋自秦漢以來所未有也

此言時人咸笑其狂惟金華宋濂江西宋季子天台  
林右同郡唐之澤以為誠然蓋即孟子所謂聖人復  
起不易吾言者也昔朱子亦嘗有志于此老勿及為  
而卒故曰自秦漢以來所未有也

又嘗為瓊山教諭作造化經綸圖以示學者其言曰寡  
欲以養其心觀物以明其理調息以養其氣讀書以驗  
其誠聖賢之域不難到

此傳授心法切要之言當時惟王仲迪為能達此故

因其問而發也他日仲迪贊此圖曰兼理氣一天人彰明善惡分別聖愚張前賢未發之機指後學既迷之徑亦足以驗其所得之實矣

洪武二十八年乙亥冬十一月卒于廣城寓舍享年四十有五前一日病亟起坐于牀命侍者取紙筆卽書云予聞之太虛之中不能不聚而為人物人物不能不散而為太虛其聚其散蓋皆理數之自然有不能自己者豈有所作為者也予之此身在太虛中如冰在水而今



將為水矣

此言當與造化經綸圖參看蓋所謂正而斃焉者也  
旬月前嶺表舟中每晨起必誦易經或中庸琅然一過  
始食日皆然因謂從友生莆田朱伯曰二書之理爾嘗  
究乎吾不久當歸吾元

王仲廸嘗言吾祖之學視古殆無遺者可謂極其博  
矣然亦未嘗不得其約也觀其續武王之銘以操吾  
心者敬也達死生之幾以歸吾元者誠也主一之謂

敬敬則誠矣誠敬者我心之根柢也吾心者天之君也天卽理也其始也操一心以窮萬理而其終也會萬理以明一心不假他術以亂之也故于道德性命之懿人倫事物之常皆得其宜而天下國家為治之具無乎不在及夫大而天地十二萬九千六百年之消息盈虛小而一月一日十二時之運行變通遠而九十餘萬里之天行近而一萬三千五百息之呼吸明而禮樂文物幽而鬼神情狀莫不洞見其妙蓋約而

博博而約者也雖曰位不滿德天不假年而其著述之典又足以發三聖相傳之秘總羣儒未領之要使百世之下坦然由之而無疑其功亦以盛矣尚何憾之有哉

貴莫貴于為聖賢富莫富于蓄道德貧莫貧于未聞道賤莫賤于不知恥士能弘道曰達貧不安分曰窮得志于一時曰天流芳于百世曰壽

洪武戊辰臘月望竟夕大雪宗人德昭友生柴欽同

在舍旣乏酒飲又無火炙及夜乃映雪話此傳以為清供然亦盛事也謹識

附錄

瓊州吳秀才上姜參政書

瓊州府定安縣儒學廩膳生員吳護謹齋沐稽首頓首獻書于欽命姜老大人先生執事護聞萬物不得其平則鳴護懷欲愬不平久矣第以家故瑣瑣鄙口訥訥不足以塵君子視聽故所言鬱結每欲陳而中

止幾至口而吞默私意蓋謂必真寬仁君子庶能憐  
聽納也恭惟執事胸涵秋月德霈春仁制作侔乎神  
明功用敵乎造化政行而嶺海之鰥寡孤獨者咸預  
以育澤布而越南之流離失所者舉藉以安是以十  
府士庶萬口一辭皆謂召伯復生于今甘棠且咏于  
越意非真體仁宅牧素置赤心于人腹者安能得此  
于人耶故不平今設不號愬于執事則恐終無可言  
之時矣况寒宗先世辱與執事同鄉家園戚族諒不

昧于藻鑑故素囁嚅不敢言于人者今皆吐露真情  
掃傾肺腑于執事也護先祖趙謙原係浙江紹興府  
餘姚縣鳳亭鄉第一圖人洪武間任瓊州府瓊山縣  
儒學教諭頗任師道嘗著聲音文字通學範二書啟  
迪後進不意隨沒獨遺男孟時孤貧不能扶柩還鄉  
就葬學後坡原自是日益零丁室如懸磬乃奉母氏  
往來定安生理度日至永樂間因母吳姓入籍定安  
縣李家都糧差孟時後生鼠南呂南啟南鼠南呂南

俱絕嗣惟祖啟南生父榮生世流落天涯家計災于  
炎火先人手跡至是盡為灰矣舊遺譜牒至是皆化  
塵矣家禍至此亦已極矣哀痛至此亦不可勝言矣  
逮護忝籍儒學備弟子員然每晝思夜想展轉反側  
至于廢寢忘餐者以今姓則先妣外族之姓氏未審  
本宗姓氏于家鄉繼否堂祠則外族吳氏之神主矣  
未卜本祀族宗于家鄉存亡痛心疾首于春雨秋露  
之際無所控訴魂飛魄散于南雲北雁之下沒誰與

憐今幸執事幹蓋南瓊使護得立于階前盈尺之地  
所謂空谷忽聞足音蛩然而喜者何啻長夜而復覩  
乎天日哉伏惟執事興哀于無用之地垂德于不報  
之所倘使累世孤寒終免淪于海角百年曠祀得復  
樹乎爐烟則祖祖宗沒于百年之上子子孫孫生  
于百年之下者皆荷大人再造之仁也雖枯樹腐株  
無能報于雨露然冥冥之中豈無有以處此者哉謹  
布衷情冒犯嚴威不勝悚懼戰慄之至伏乞垂宥不



備生員吳護再拜

參政覽書遂復其姓為趙

姜參議書

啟趙賢甥先生今來不知在門中教書否我去年在  
瓊州著彼中教官訪尋得趙撫謙老先生文集併學  
範此二本書可與趙先生錄過仍將原本收藏在家  
緣撫謙比先在瓊州做教官因遺此書在彼並無義  
男流下在彼做秀才可說與趙先生知之

趙護寄原鄉書

寓海南定安族屬趙護頓首百拜奉書原鄉宗父兄  
尊前伏自先祖諱謙者洪武間由國子典簿左遷教  
諭瓊山卒于任遺下一男孟時不能還鄉乃奉母吳  
氏徙居定安永樂十年孟時遂因母姓附籍生三子  
伯祖鼠南呂南俱絕嗣祖啟南生父等三世皆以相  
繼淪沒天涯但繼襲吳姓而已至護今日忝為弟子  
員之備雖未能粗識然而物天人祖孰無此心思我

先人萬里遊魂子孫既不還鄉乃以外姓為籍原鄉  
宗祀存亡未審是以每念松楸痛心徹骨久欲復姓  
第以家譜盡燬于火先人手跡十無一存以此因循  
至今也近對鄉尊姜老夫人按節于瓊護得以鄉子  
弟謁見請問方知我宗族有在且于大人有瓜葛之  
戚以故深蒙大人哀憫身家百色一為區處已就首  
訴復姓外惟是家譜不存殆恐後世愈遠而愈失其  
真伏望宗親念我同根先世舊譜錄垂遠惠不惟深

副護木本水源之思且使後世子孫得知所自而于  
祖宗在天之靈亦可少慰也他日倘託遺蔭叨成一  
名得便來歸親揖宗親長于一堂而若尊若卑知所  
別則百年世系已離而復合一門倫次已晦而復明  
何幸之大耶是又護之所願也在此子姓具圖別紙  
望依昭穆附入譜牒不勝欣戴之至莫以我遠世而  
見疏不備成化二十三年六月初八日寓定安族屬  
趙護再拜

趙謙

孟時

鼠南歿亡

字撫謙號

生三子曰南絕嗣

考古又曰

啟南

榮

韶

古則嘗著

生三子

生三子

韻

聲音文字

韻

通學範二

華

韻

書啟廸後

生三子

韻

進教諭瓊

韻

山士風為

富

韻

之丕變

生二子諱

外有育男名義男義安自原鄉來後義男見孟時  
公衰敗自去立籍今已絕沒義安則在護祖啟南  
公手裡逃于黎而子孫有在

右海南考古世系圖

護以流落天涯年深世遠故園枝葉莫識誰何近日  
惟聞姜老大人外甥二人是護共友之裔但不知與

二位為尊為卑也茲有細葛各二端謹欲寄奉以表  
萬里驚毛之意第以姜老大人說嫌疑之際不可以  
帶尚容異日鴻便另申拜意

趙護下第辭姜參政書

治生趙護端肅奉書于欽命姜老大人台座嘗謂獸  
在阱則思曠禽在籠則思林夫禽獸物也拘于籠阱  
猶有林曠之思矧人為萬物之靈當流落他鄉之餘  
顧不惕于故鄉之思哉今護十歲失父而孤聞于祖

母陳言護先世撫謙自浙餘姚來瓊教諭未幾卒任  
遺下曾祖孟時不能還鄉時為日食計乃來定安生  
理遂附籍于此焉其以為戶者則因祖婆以承絕戶  
吳倪田也汝祖嘗命父曰海南烟瘴之地也非吾故  
鄉吳姓先妣之氏也非吾本姓汝能成立當復還之  
不意汝父才過三十背我先去今家無人惟汝是望  
護十歲祖母又逝叔父二人相繼而去嗚呼是時室  
似罄懸既乏聊生之產形單影隻又無強繼之親嬰



此孤貧不能與立遂棄去書籍四五年至十七年時  
念護罪戾之在躬愈戰兢之無地雖松楸桑梓之念  
深而水木本源之恩切然天涯海角而使信難逢雁  
杳魚沉而音書斷絕本支宗祀未審存亡苦思填胸  
無由控訴詎意先人有廕後膺無辜迷茫之餘乃復  
遇老大人于今日哉進見之際始知我祖後人有在  
于老大人有瓜葛之戚以故哀憫身家重事已為改  
復平生哀慟至此固少舒矣夫百年曠祀固已復樹

乎爐烟然累世孤魂猶未免淪于海角專期今歲場  
屋僥倖便歸倍恨不才不如所願此終身遑遑去不  
得回不著而栖栖依依似留戀於此也護如此者無  
他一則憂不中而回則終流落一則以老大人高遷  
而去便失依歸不識此身此世何日得歸故鄉何日  
復見尊範也栖栖依依何異獸之陷于阱而不得走  
於曠鳥之拘于籠而不得以棲乎林且無所主也耶  
然護之不得僥倖者固病于自懈實由自父沒遭火

六次覺家貧甚護因離次訓蒙為餬口計用頻奔走  
乎東西以致所業之荒廢又昔年來加以疾病此不  
親燈火者年半未知此回三年所業又何如恐終辜  
于老大人再生之恩也今護乳乳子立幾三十而未  
成家母兀兀劬勞越五旬而無所養此護上不足為  
士下不足以為農中不得一還乎故鄉深鬱結而不  
得伸也古云中流失船一壺千金護今日之遇殆非  
是止也實若漂泊于萬頃波濤之中而得桂楫蘭漿

于垂覆之際護有際遇仰望幾何旣哉顧今留戀于此乃不得一拜辭歸去此心不勝悵快今倉卒間具此以伸拳拳囑望之意倘因秩滿便道入家去乞以護此意達於護宗族伯叔兄弟中有能為本宗之念者將先世舊譜錄垂遠惠而于鴻便亦無惜音信也護不勝感戴之至伏冀老大人稱玉教命幸垂示焉護書不盡意復繼以詩公居臺省我田間際遇由來不偶然身世只今都妥帖寒微藉此遂生全一心圖

報應無地幾葉推尋別有天歸去天涯翹首望何時  
俯伏在階前附寄原鄉宗父伯叔一首宗親東浙我  
蠻鄉海外懸思欲斷腸父祖湮淪幾百載何當匍匐  
入祠堂弘治二年七月初十日治生趙護再拜書上  
二位姜表兄同

趙宏泗寄趙護書

大人舅自廣城相會聞言及故鄉宗黨未嘗不三復  
流涕繼以霜蹄暫蹶悒悒快快淹延廣城日久能無

舛望之心或云留待來科中解元姪聞此言且悲且喜表兄又云拳拳以家譜錄寄致囑姪稟宗長作書歷陳情事併譜圖歷代統系圖封浼大人舅帶至廣藩轉附定安姪恨不能生羽翼飛渡海南親覩顏範徒悵然嗚咽而已今表兄來便乏物為寄謹具小東手帕一方幸奉老叔祖母聊表遠意勿以菲薄為讓踈遠見棄乞念祖宗之誼作書慰姪渴仰之私實為榮幸之至乞尊照不備弘治三年十一月朔餘姚宗

姪宏泗書拜奉上護叔父尊前





造化經綸圖

又名  
三極合  
一圖

暴禍私踪克薄忌險

# 造化經綸第二圖

傲簡厲粗誕後勝

謙讓謹敬

厚克愛慈恕公孝



勇廉介剛是正端直

聰明如和善如傳道

浮輕聽而巧滿陋固淺昏

忽凡恃鄙偏構欲佞憂吝貪

造化經綸圖說

周子曰無極而太極太極動而生陽乾道成矣靜而生陰坤道成矣陽變陰合五行順布四時行焉一皆自然之天也邵子心為太極蓋造化之一氣卽聖人之一心造化之氣本於發生而聖人之心亦將以濟世矣故不免由靜以之動自無而入有使萬物得以遂其身安其業然人不見其迹者以造化之氣與聖人之心雖動而不離靜雖有而不舍無彼萬物與萬民齊見役說戰勞

於其間而不自覺故曰帝出乎震成乎艮帝者豈非造化之氣與聖人之心乎夫三聖巍巍繼天立極相與傳授獨辨此心欲學聖賢者舍此心將何所用力哉蓋人有情有性而心則統性情者也性者仁義禮智是也情者喜怒哀樂是也心得其養則以性御情而五常百行由此而正心失其養則以情蕩性而五常百行由此而隳此心之所主顧不重乎學者誠能時時省察念念不忘而使道心常為之主人心每聽命焉則寂然不動之

時當與造化同其體及感而遂通自然與造化同其用  
斯其所以為三極之道三極者三才各一太極也洪武  
甲戌秋七月既望餘姚趙撝謙謹識

愛理

得之於天  
具之於心

孝存則承顏養志愛敬不忘沒則慎終追遠繼志述事  
慎行其身不敢以遺體行殆將為善思貽父母令名  
必果將為不善思貽父母羞辱必不果

公老老幼幼舉斯加彼物我不分窮達一視克伐怨欲

不行意必固我不立

恕已所不欲勿施於人不以所長者病人不以所能者  
愧人不念舊惡

慈少者懷之不獨子其子

愛矜孤恤貧隨力濟物

寬納污藏疾犯而不校

厚德必報怨不讎故舊不遺篤序姻親成人美掩人過

險設機穽包禍心陷人不義中人凶禍

忍害物傷人幸災樂禍

忌聞人才美而媚疾見人富貴而熱中凡以勝已為不

滿者皆忌也

刻督責太苛

自忍中來

培克無艾

自貪中來

念怨不忘敗人之善

成人之惡

薄喜聞人過好言人短忘恩負德得新棄舊輕訾毀好

攻訐

克多尚人不遜善事功欲自己出議論專好已勝

躁不耐激觸不能容忍

自禍中來

私立物我分町畦凡事只求自利

禍氣宇狹隘不能容物

暴任情恣橫挾勢馮陵

宜理

得之於天具之於心

直志義不屈不撓詞色不佞不諛

弟敬兄友弟恭老尚年



正任理而行不為阿比安命守分不肯苟求凡出處語  
默進退屈伸剛柔寬嚴好惡取舍從違避就貴審其  
宜而不失

顧愛人不親反其仁治人不治反其智禮人不答反其  
敬行有不得者皆反求諸已

剛乾健篤實不為物撓富貴貧賤不淫不移威武不能  
屈

介確然有守不為俗變

廉見得思義分無求多

勇見善必為知過必改

貪貨殖玩物貪名逐祿不務自守動輒有求

吝不濟人之才當予者不予但有利忍戀惜之意不教人以善所有則隱蔽惟恐他人知之

憂患貧畏禍昔人謂禍患之來有有個處置若過於憂是無義無命也

佞脅肩諂笑巧言飾語擎跪曲拳凡冀以逢迎投合人意向者皆是

欲耳於聲目於色口於味鼻於臭四肢於安佚  
懦柔而無立隨俗浮沉自守不堅屈於威勢

偏不求中正好惡任情

鄙計瑣屑甘猥賤

自吝  
中來

悖執己自是違衆從欲

比不顧是非徇情黨物

怨不安義命不務反躬一切歸咎於天人

恭禮

得之於天  
具之於心

敬正名辨分敬老崇賢居處恭執事敬內則攝思慮去  
知故凝然主一而無適外則正衣冠尊瞻視儼然莊  
重而不慢

謹不侈然自放不軒然自得言不輕發事不輕舉不出  
位而思不怨天不尤人不居下訕上務隱惡揚善避  
嫌疑審去就不許以為直不徼以為知

讓辭尊居卑推多取少慮以下人善則稱人

諫有若無實若虛以能問於不能以多問於寡

驕挾富貴以自恣恃才美以為高常有欲自表見意便有

伐在常有陵壓人意便有傲在其中

侈大室廬華衣服盛車馬美飲食麗器用越制度不安

分

誕無而為有虛而為盈約而為泰

屬  
氣象兀突難親

簡  
接物不委曲與人無恩義

傲  
簡賢德侮老成自處放肆待物輕率

別理

得之於天  
具之於心

瑯  
博覽以致廣大窮究以盡精微凡大而天地之理微  
而事物之故明而禮樂之文幽而鬼神之情狀近而  
人物賢否邪正之分遠而古今興衰治亂之迹無一  
不當致知疑事每質知之為知之不知為不知

時不逆詐不億不信又當先覺不可受人之欺見賢思

齊見不賢而內自省親賢人遠小人

人知識別邪正愛而知惡憎而知其善

能別是非辨可否審利害計始終義以為質禮以行之  
遜以出之信以成之

知真偽忠佞貴于辨察

知貧富貴賤甘於自然

明不讀非僻之書不為非禮之視

聰 不受浸潤之譖樂聞謙直之言

昏 於事不審是非可否於人不識誠偽善惡遠賢人交

小人

淺 以小小得喪為利害以小小毀譽為榮辱以小小逆  
順為恩怨

固 拘方泥曲執滯不通

陋 安於卑陋不務廣覽博取以長見識



滿  
器識褊狹不能自居矜驕傲世侮慢才德

巧  
好穿鑿徼以為智

明不  
溺亂色觀非僻之書視非禮之物

聽不  
諱聞過喜諛佞惡正直

輕  
事不詳審而妄為言不詳審而妄發

浮  
不敦篤

心存  
真實無妄

言顧行行顧言

人處  
循物無違


為人謀而忠與人有終始體道無虛偽

詐  
虛言罔人匿行炫耀

欺  
食言偽言大言行事不確實為人不親切有失自蓋  
藏

矯  
心迹不相副沽徼以求名

多機關挾術數務詭隨易反覆



趙考古文集卷二